



Ioannes eruditione et morū integritate suo tempore in superiori Germania insignis extitit. Is à S. Gallo institutus, & optimè educatus fuit. Cum itaq; Gaudentius Constantiensis præsul mortuus esset, atq; S. Gallus ad Episcopatum uocatus honestè recusaret, ipsius consilio hic Ioannes sextus Constantiensis Episcopus electus fuit. Id quod factum est Anno Domini sexcētesimo sexagesimo. In eam electionem Cuntzo dux Sueuiæ, qui ea loca Francorum regum nomine gubernabat, atque Vberlingæ residebat, consenserat. Itaq; Iohannes eam functionem magna dexteritate peregit, atq; præclari luminis instar in ea Ecclesia fulsit. Is tandem ætate fessus obiit, & Obhardam successorem habuit, Anon in Constant.

Episcopis.